



## Nasate, 'n onbeskryflike seën

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

**Ek kyk die afgelope Sondag weer na my vrou wat ons kleindogter styf vashou en diep in haar ogies kyk. Ek sien hoe elke deel van haar menswees sag word. Ek beseft dat daardie babakyk tot in die diepste holtes van haar siel raak. Elke gebaartjie, elke geluid wat die kleinding maak, ontlok by haar byna oordrewe reaksie. Om lirie te raak oor ons nasate, is nogal maklik.**

Ek beseft wanneer die Bybel, veral die Ou Testament, oor kinders en selfs kleinkinders praat, is dit dikwels in praktiese terme. *Dit gaan goed met die man wat sy pylkoker so gevul het!* (Ps 127: 5, AFR1983). Hierdie teks suggereer tog dat 'n klomp seuns in jou huishouding soos 'n eie weermag is. 'n Teken van seën en 'n waarborg van beskerming. Die hande wat arbeid moet verrig, word ook meer, namate die gesin uitbrei. Eenvoudig, prakties.

Ons lees in Deuteronomium 4: 9 dat ons dit wat belangrik is, naamlik die wil van God, by ons kinders en kleinkinders moet inskerp. Asof daar geen onderskeid in benadering tussen kinders en kleinkinders is nie. Ek verstaan die konteks en die agtergrond van hierdie gedeeltes. Praktiese oorweegredes.

Daarteenoor deur ons oë gesien die emosionele. Daar is vir my min dinge so roerend soos 'n klein handjie wat aan 'n beplooide vinger klou. Daar is nie 'n mooier voorbeeld van die volmaaktheid van God se skepping as 'n oopmond-laggende gesiggie nie. Daar is niks prakties daaraan nie. Dit is onbeskaamd vreugde.


Vadersdag of Grootvadersdag herinner ons weer aan die voorreg om ons kindskinders te kan sien, soos Psalm 128 dit beskryf. Ek verstaan dat dit in daardie teks waarskynlik gaan oor 'n lang lewe as seën uit God se hand. Die voorreg om kleinkinders te sien, gaan oor God wat jou beloon deur *addisionele* jare by jou lewe te voeg. Ons kan trouens vele teksverse wat oor grootouerskap handel, interpreteer as emosie-beperk en prakties. Jy kan egter nie die bondeltjie genade en seën sonder 'n breë glimlag, 'n traan in die ooghoek of met sagtheid in die oog aanskou nie.

Miskien is dit een van die subtiele verskille tussen pa wees en oupa wees. Dalk is daar 'n groter element van prakties wees in jou hoedanigheid as pa en 'n groter element van die emosionele in jou hoedanigheid as oupa. Wanneer my kinders gehuil het, het die praktiese *ek* aan die gang gekom. Kos, doeke of siekte, en hoe bestuur ek dit? Wanneer my kleinkind deesdae huil, huil die emosionele *ek* uit my hart saam.

As grootouers het ons natuurlik ook verantwoordelikhede. Ons het die plig om saam met die ouers op hierdie, tot hiertoe nog redelike skoon bladsytjie, woorde te skryf en gedagtes neer te pen wat opbouend is en wat in so 'n mate sal help vorm en slyp, dat die *produkt* vir elkeen wat daardie pad kruis, tot seën sal wees. 'n Outeur wat aan my onbekend is, het op 'n keer geskryf: *Kinders is lewende boodskappe wat ons die toekoms instuur, na 'n tyd wat ons moontlik self nie sal sien nie.*

Gedagtig aan Vadersdag en Jeugdag, mag ons God se kindergeskenke van harte waardeer, en mag ons met soveel wysheid op hul lewensblaaië skryf, dat ons 'n bydrae sal maak tot 'n beter wêreld.

## Lief en leed



Peter Buckle

- **PJ (Peter) Buckle** (75) van Bulawayo is Donderdag 2 Junie oorlede. Hy is in September verlede jaar met *Lewy Body Disease* gediagnoseer en het vinnig agteruitgegaan. Sy roudiens het Saterdag 11 Junie in Johannesburg plaasgevind. Ds TL (Theuns) Botha (emeritus) sê Peter sal onthou word vir sy lojale vriendskap en ondersteuning. Peter en Nellie was by uitnemendheid bekend vir hul gasvryheid teenoor predikante wat die gemeente in Bulawayo gedurende die moeilike jare in Zimbabwe besoek het. Hulle het voorrade wat ontvang is, verdeel onder lidmate. Peter was instrumenteel in die groot onderhoudingswerk aan die kerkgebou in 2010, asook die ou pastorie in 2012. Ons innige simpatie gaan aan sy vrou, Nellie, en hul familie.



Ds Henk Labuschagne

- **Ds HJ (Henk) Labuschagne** van Silverton worstel die afgelope maande met moontlike nagevolge van Covid-19. Hy ondergaan tans neurologiese toetse in die Unitas-hospitaal. Ons bid hom algehele herstel toe, en baie sterkte vir hom en sy vrou, Madelein.
- **Die volgende predikante verjaar tot 24 Junie, en word hartlik geluk gewens:**
  - Donderdag 16 Junie: Dr JHL (Jan) Truter (60) (emeritus/Letsitele)
  - Saterdag 18 Junie: Prof EC (Elsabé) Kloppers (63) (emeritus) en ds DJR (Danie) Malan (56) (Johannesburg)
  - Sondag 19 Junie: Ds W (Willem) de V Sauer (56) (Waterberg)
  - Maandag 20 Junie: Dr A (Annelie) Botha (44) (UP)
  - Dinsdag 21 Junie: Ds HT (Hennie) van der Linde (55) (Vliegepoort)
  - Vrydag 24 Junie: Ds PJE (Piet) Botha (79) (emeritus/Klerksdorp)

## Gemeentes en bediening

- Die kombinasie **Witrivier, Sabie en Hazyview** se e-posadres het verander na **info@witsaview.co.za**. Ds WJM (Willem) Breytenbach se nuwe e-posadres is **willem@witsaview.co.za**. Die e-posadresse **ned.herv@telkomsa.net**, **nhsabie@telkomsa.net** en **nhkwitrivier@gmail.com** moet asseblief nie meer gebruik word nie.
- **Gemeente Stellenbosch** vier vanjaar hul **50ste bestaansjaar** en nooi al die vorige predikante, oudlidmate en ander belangstellendes na die **Feesdiens op Sondag 24 Julie** om 11:00. U is ook welkom om **Saterdag 23 Julie** by hul **Potjiekosdag** op 'n nabygeleë wynplaas te kom saamkuier. Navrae kan gerig word aan dr Chris le Roux by **cleroux@mweb.co.za**.

## Studeer Teologie in 2023

Matrikulante en enige ander belangstellendes wat graag predikante in die Hervormde Kerk wil word en in 2023 Teologie wil studeer, is welkom om nou aansoek te doen om as student van die Kerk te studeer.

Die evaluasiegesprekke sal in die laaste week van Julie 2022 plaasvind. Aansoeke moet die Kuratorium asseblief nie later nie as 22 Julie 2022 bereik.

Kry aansoekvorms by die voorsitter van die Kuratorium dr Rudy Denton (**rudydenton@outlook.com**) en mev Clarika Hattingh (**clarikah@nhk.co.za**).

**NHKA**  
NEDERDUITSCH HERVORMDE KERK VAN AFRIKA



- **VAKANTE WERKRUIMTE: Seestergemeente Brackenhurst.** Die gemeente beskik vanaf 1 Julie 2022 oor 'n **voltydse werkruiimte** vir 'n predikant. Seester Brackenhurst is 'n voorstedelike gemeente en omvat die woonbuurte Brackenhurst, Brackendal, Brackendowns, Meyersdal, Mayberrypark en Albertsdal. Daar is tans 482 lidmate, waarvan 372 belydend is.

Aansoeke moet vergesel wees van 'n volledige CV en 'n persoonlike profiel. Die kerkraad behou die reg voor om die kortlys vir onderhoude na die sluitingsdatum te verklein of te vergroot. Gekeurde aansoekers sal ná die sluitingsdatum genooi word vir onderhoude. Die kerkraad behou die reg voor om, indien daar geen geskikte kandidate is nie, weer die pos te adverteer.

Die vergoeding is volgens die Kerk se riglyne, en 'n gedetailleerde pakket sal met die suksesvolle kandidaat onderhandel word.

**Die sluitingsdatum vir aansoeke is verleng tot 24 Junie 2022.** Stuur asseblief u aansoek aan mev Nadia Oosthuizen by [nhkbrack@ananzi.co.za](mailto:nhkbrack@ananzi.co.za). Navrae kan gerig word aan oudl Gerhard van Niekerk by 082 461 2428.

- **VAKANTE WERKRUIJTE: Gemeente Randfontein Midpark.** Aansoeke word ingewag van 'n gelegitimeerde predikant van die NHKA om hierdie werkruijte **voltyds** te bedien. Die versorgingsriglyn is die traktementskaal 5-6 jaar.

**Gemeenteprofiel:** Die gemeente bestaan sedert 1987 en is een van twee NHKA-gemeentes in Randfontein. Die sieletal is tans ongeveer 240. Die ouderdomsprofiel is redelik verspreid, met 'n gemiddelde ouderdom van 53 jaar. Die gemeente beskik oor 'n moderne, doelmatige kompleks bestaande uit 'n kerkgebou, kategeselokale, saal, kombuis en netjiese tuine. Verder beskik die gemeente oor 'n ruim, gerieflike pastorie.

**Leraarprofiel:** Die geskikte kandidaat se lewe moet getuig van 'n passiewolwe verhouding met God. Liturgies goed voorbereide, Geesvervulde eredienste is vir die gemeente ononderhandelbaar. Die gemeente verwag van aansoekers om 'n erediens in die gemeente waar te neem en die volgende vraelyste te voltooi en terug te stuur: Persoonlike inligting; MBTI-persoonlikheidsprofiel; en Spiritualiteitstipe.

**Aansoeke sluit op 30 Junie 2022.** Aansoeke moet vergesel wees van 'n verkorte CV wat die kontakbesonderhede van minstens twee referente insluit. Dit moet gestuur word aan die Adminbeampte, [nhkerkmidpark@afrihost.co.za](mailto:nhkerkmidpark@afrihost.co.za). Die kerkraad behou die reg – indien so besluit – om nie een van die aansoekers te beroep nie.

- **VAKANTE WERKRUIJTE: Gemeente Mafeking en Gemeente Zeerust.** Aansoeke van gelegitimeerde predikante van die NHKA, verkieslik in die traktementskaal 1-4 jaar, word ingewag vir die vul van die **voltydse werkruijte** vir Gemeente Mafeking en Gemeente Zeerust (met kontrakverbinding), wat op 1 Junie 2022 vakant geraak het.

**Gemeenteprofiele:**

**Gemeente Mafeking** is die enigste Hervormde gemeente in die Mafeking-distrik, en is deel van die ring van Zeerust. Die gemeente is in 1929 gestig en het tans 'n sieletal van 121 lidmate. Die ouderdomsprofiel is redelik versprei met die meerderheid in die ouderdomsgroep bo 40 jaar. Die gemeente beskik oor infrastruktuur wat bestaan uit 'n kerkgebou, kombuis, kerkkantoor, kategeseklasse asook 'n pastorie. Die gemeente is bekend vir hul eredienste, samewerking en ondersteuning in die gemeenskap.

**Gemeente Zeerust** is die enigste Hervormde gemeente in die Zeerust-distrik, en is deel van die ring van Zeerust. Die gemeente is in 1870 gestig en het tans 'n sieletal van 146 lidmate. Die ouderdomsprofiel is redelik versprei met die meerderheid in die ouderdomsgroep bo 40 jaar. Die gemeente beskik oor infrastruktuur wat bestaan uit 'n kerkgebou, saal met 'n kombuis, kerkkantoor asook 'n pastorie en ander persele. Die gemeente is bekend vir hul eredienste, samewerking, ondersteuning en projekte in die gemeenskap.

**Leraarprofiel:** Die geskikte kandidaat se lewe moet getuig van 'n passiewolwe verhouding met God. Liturgies goed voorbereide, Geesvervulde eredienste is vir die gemeentes ononderhandelbaar. Moet verkieslik in die traktementskaal van 1 tot 4 jaar wees. Moet die bediening in die gemeentes dinamies maar Skrifgetrou en verstaanbaar vir alle ouderdomsgroepe kan hanteer. Moet vernuwend en sinvol met die liturgie in die erediens omgaan met 'n aanvoeling vir gemeentesang asook musiek in eredienste. Moet sinvol as

leier en deel van 'n bestuurspan kan funksioneer. Daar kan van die aansoekers verwag word om teen vergoeding soos per voorgeskrewe riglyne, gedurende die vakante tydperk eredienste waar te neem.

**Posbeskrywing:** Dit is 'n voltijdse werkruimte met verantwoordelikhede soos in die Kerkorde omskryf word. Gemeente Mafeking sowel as Gemeente Zeerust moet bedien word. Vergoeding, reiskoste, medies en pensioen sal volgens die voorgeskrewe skale hanteer word, met inagneming van die aansoeker se aantal diensjare. Behuising is beskikbaar in Mahikeng.

**Aansoeke sluit op 30 Junie 2022** en moet vergesel wees van 'n verkorte CV en gestuur word aan die Skriba, by [hervmaf@gmail.com](mailto:hervmaf@gmail.com). Meer inligting kan bekom word van Gys van der Merwe, by 082 553 0194. Die kerkraad behou die reg voor om, indien so besluit, nie een van die aansoekers te beroep nie, of 'n leraar wat nie aansoek gedoen het nie, uit te nooi om 'n CV aan die kerkraad te stuur vir oorweging vir die vulling van die vakature.

- **VAKANTE WERKRUIJTE: Gemeentes Goudveld, Odendaalsrus en Kroonstad.** Kom leef jou roeping uit as predikant in die Vrystaatse Goudvelde. **Gemeente Goudveld**, gesetel in Welkom, is vakant. Die kerkraad was in 'n bestaande ooreenkoms met **Gemeente Kroonstad**. Deur sy voelers wyer te strek, het **Gemeente Odendaalsrus** ook besluit om deel te word van die pakt. So het daar 'n drieledige ooreenkoms tot stand gekom. (Dit mag wees dat ander gemeentes binne die Vrystaatse Goudvelde later deel kan word van hierdie pakt.) Die ooreenkoms stel die kerkraad van die NHKA se Gemeente Goudveld in staat om 'n **voltijdse leraar** te beroep.

Belangstellende geordende en/of gelegitimeerde predikante vir wie die etos van die NHKA belangrik is en wat kerkordelik in dié Kerk predikant kan en mag wees, word uitgenooi om hulself as geroepenes beskikbaar te maak vir hierdie bedieningsruimte. Kontak hiervoor asseblief die voorsitter van die Beroepskommissie (Lydia) of die sekretariële beampte (Daniël) **voor of op 30 Julie 2022**. Met die oog op die samestelling van 'n groslys, mag dit moontlik wees dat belangstellendes uitgenooi kan word tot 'n gesprek en/of vir die lei van 'n erediens. Die kerkraad behou hom die reg voor om nie verplig te wees om enige van die belangstellendes te beroep nie. Alle belangstellendes sal in kennis gestel word van die uitkoms.

#### **Voorsitter van Beroepskommissie**

Lydia McIntyre 071 471 4514

#### **Sekretariële Beampte**

Daniël Pieterse 076 473 9045

Gemeentekantoor 071 647 6587

E-pos: [welkomnedherv@gmail.com](mailto:welkomnedherv@gmail.com)

### **Vergaderings**

- Woensdag 22 Junie: DPS en Plesion Finkom
- Donderdag 23 Junie: ADV-webinaar  
Redaksie *Die Hervormer*

### **Kerklike publikasies**

- In die **Junie/Julie 2022-uitgawe van *Die Hervormer*** skryf diak **Wilna Gates**, nuwe voorsitter van die Kommissie van die ADV, oor die uitdagings en planne van die Diakonaat. **Prof Tanya van Wyk** pleit vir ons reg om ons te ontkoppel van die digitale vangnette wat ons verstremel. **Ds Johnny Young** van Gemeente Rustenburg-Tuine vertel van sy ervaring om die moordende Tankwa-Karoo te voet aan te durf. **Ds Larry van der Walt** van Gemeente Oos-Londen besin oor hartseer, pyn en lyding, en benadruk dat Jesus ons wil heelmaak. **Ds C Johann de Bruin**, kurator van die SP Engelbrecht-museum, skryf oor die span geestelike werkers tydens die Groot Trek, en hy berig ook oor die planne van die SA



Reserwebank met die 1904-kerkgebou van Gemeente Pretoria. Ons berig oor die afsterwe van twee van die NHKA se emerituspredikante, ds WJ (Wimpie) Steyn en ds PJ (Peet) Kruger. Bykomend tot die verspreiding van die gedrukte weergawe van *Die Hervormer*, word die artikels van elke uitgawe **op die Kerk se webblad** geplaas, en 'n **pdf-weergawe** word ook aan predikante en gemeentes gestuur.

## Boekwinkel-promosie



**nou R299**  
Sak grootte

was R409



**nou R250**

was R499

**Bestel by mev Sarie Roux by [boekwinkel@nhk.co.za](mailto:boekwinkel@nhk.co.za)**



- Die Junie 2022-uitgawe van *Die Christelike Vrou* word ingelui met ds **Hannelie Botha** se redaksioneel oor die avokadoboom waarvan almal graag eet. **Dàlene Pieterse**, voorsitter NHSV Natalstreek, deel met ons in 'n *Hawe van hoop* die lief en leed van Reinhardt's Place in Pumula, Hibberdene. **Ds C Johann de Bruin** gee ons 'n kykie na die reis van mej Rita Basson wat 63 jaar lank orrelis was van Gemeente Wonderboompoort. **Elsie Slabbert**, voorsitter NHSV Oos-Kaapstreek, sluit die uitgawe af met haar vertelling oor hul streekbyeenkoms wat by Gemeente Jeffreysbaai plaasgevind het. Volg die skakel <https://nhsv.org.za/publikasies/>.



### Bybelse Dagboek / Almanak 2022

R200 (versending uitgesluit)



Kry belangrike inligting oor die Hervormde Kerk én 'n inspirerende Bybelse dagboek in een omslag

**Beperkte oplaag – bestel by [boekwinkel@nhk.co.za](mailto:boekwinkel@nhk.co.za)**

## Tydskrif vir Hervormde Teologie (THT)

Jaargang 9 (2021)

Die NHKA se teologiese tydskrif nou vir die eerste keer in boekvorm!

Beperkte oplaag – bestel by [boekwinkel@nhk.co.za](mailto:boekwinkel@nhk.co.za)

R120 (versending uitgesluit)



## Studentesake

- **Studentebehuising vir 2022. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na [nhkphiladelphia@gmail.com](mailto:nhkphiladelphia@gmail.com) vir meer inligting.
- **Studentebehuising vir 2022. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoningstelle. Skakel dr Chris le Roux by 079 495 3239 of stuur 'n e-pos na [stellenbosch@nhk.co.za](mailto:stellenbosch@nhk.co.za) vir meer inligting.

## Toerusting

- Die **Sentrum vir Gemeentelike Bediening (SGB)** bied die **IMG-kursus** (Inleiding tot Missionale Gemeentewees) gratis oor 'n periode van ses weke aan. Dit sal via Zoom plaasvind, daagliks van 09:00 tot 11:00, en wel op die volgende datums:
  - Die herontdekking van God se missie: 28 Julie
  - Die herontdekking van missionaliteit in 'n veranderende wêreld: 4 Augustus
  - Die herontdekking van die missionale aard van die gemeente: 11 Augustus
  - Die herontdekking van dissipelskap: 18 Augustus
  - Die herontdekking van missionale spiritualiteit: 25 Augustus
  - Die herontdekking van missionale luister in die gemeenskap: 1 September

Join Zoom Meeting

<https://us02web.zoom.us/j/9427689935?pwd=d3d3K1N1cDU0a1pIZCtjSS9ZSFY4dz09>

Meeting ID: 942 768 9935

Passcode: SGB

Navrae: Dr Frikkie Labuschagne by [karen@nhk.co.za](mailto:karen@nhk.co.za).

## 'n Gedig

die sterrewag by Sutterland –  
al's is mos helderder  
in die Karoo –  
sal ons laat inkyk  
in die groot verband  
van droë dinge;  
met spieël en lens en rekenaar  
die melkweg buig  
tot wiggelstok  
en elke nag  
die helder donker in  
soek na die oog van God

**Dolf van Niekerk**

(Uit: *Karoosange*, 1975)

## Fondsinsamelings

- Sonder my pa en ma sou ek nie gewees het wie ek is nie. Sonder jou pa en ma sou jy nie gewees het wie jy is nie. Sonder die vorige geslag, sou ons niks gehad het om op te bou nie. Nou is hulle "oud" en vergete, want hulle kan mos nie meer tot die samelewing bydra nie. **Die Ons Tuis-tehuise** verskaf behuising en versorging aan bejaardes – in selfversorgingswoningstelle en ook in versorgingsafdelings. Die bekwame personeel sorg

dat elke inwoner met respek en liefde behandel word. Ek en jy kan egter ook nog 'n bydrae lewer tot 'n beter lewe vir elke inwoner. Kom ons **Neem 'n grootouer aan** of **Borg 'n ete** – dis maar net twee van die projekte wat geloods word om Ons Tuis te help om finansiële te oorleef. Elkeen wat betrokke is by 'n instansie wat van staatsubsidies afhanklik is, weet hoe belangrik hierdie fondsinsamelingsprojekte is. Gaan kyk gerus op Ons Tuis se webwerf <https://onstuis.org> wat hulle alles doen en hoe jy kan help.

- **Oornagfasiliteite: Seniordal.** Seniordal beskik oor oornagfasiliteite wat ideaal is vir persone wat vergaderings, die AKV of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekuriteit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.
- **Rata se Gholfdag ten bate van Kinderbeskerming.** Rata Maatskaplike Dienste se jaarlikse Gholfdag vind vanjaar op **23 Augustus by Silver Lakes Golf & Wildlife Estate** plaas – dit is hul agtste Gholfdag. Rata vra vir ondersteuning in die vorm van vierbalinskrywings, borgskappe en pryse. Inskrywingsvorme, borgskapvorme en meer inligting kan aangevra word van Annelie by [info@rata.org.za](mailto:info@rata.org.za) of 064 437 5997.

## Barmhartigheid

- **Athalia Uitrek in Bloemfontein**  
**Verblyf vir en versorging van bejaardes en gestremdes**  
Enkel- en deekamergeriewe in 'n huislike atmosfeer  
Verblyf met 3 etes ingesluit  
Verblyf sonder versorging R1 700 per maand  
24-uur-versorging onderhandelbaar  
(maksimum R8 000 per maand deekamer)  
Navrae: 079 826 6363 / 084 023 0315 / 051 522 6089  
[navrae@athalia.co.za](mailto:navrae@athalia.co.za)  
[www.athalia.co.za](http://www.athalia.co.za)
- **Machteld Postmus-behuisingskompleks vir bejaardes** in Brooklyn, Pretoria, het 'n **tweeslaapkamer-woonregeenheid** beskikbaar by Frans Boshoff: Dit is Woonstel 13 teen R465 400. Kontak mev Hannelie Fourie by 012 325 1857 x216 vir meer inligting.
- **Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.
- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord**  
Seniordal is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in Rietondale, Pretoria, wat bekend is as 'n stil, veilige, boomryke omgewing en 'n voëlparadys. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:  
Enkelwoonstel (*Bachelor*): R510 000  
Eenslaapkamer: R515 000  
1½-slaapkamer: R520 000  
Tweeslaapkamer: R560 000  
Navrae: Salomie Stolz 012 329 4318 / 083 308 0520



## Betaalde advertensies in hierdie nuusbrieff

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (Tekskennisgewings van gemeentes is gratis.)** Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na **produksie@nhk.co.za**. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

**Die koste is R250 per plasing (BTW ingesluit).** Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

### Gebed vir vaders

Hemelse Vader,  
dankie vir al die vaders en vaderfigure in hierdie wêreld,  
en vir die vele wyses waarop U hulle gebruik  
om ander na U te lei.  
Ek vra dat U hulle sal seën met groot blydskap en vrede.  
Mag hulle U sien en U al hoe beter leer ken.  
Laat hulle beseef hoe groot u liefde vir hulle is,  
en hoeveel U vir hulle omgee.  
Wees U die gids op hul pad,  
gebruik hul hande,  
en laat hulle 'n seën wees vir almal om hulle,  
terwyl U hulle steeds vernuwe  
om aan u spesiale doel met hul lewens  
te beantwoord.

([dayspring.com/articles/a-prayer-for-dads](http://dayspring.com/articles/a-prayer-for-dads))

(Afrikaanse verwerking: Tessa Oppermann)